


法華會義卷



Inches  
Centimetres  
1 2 3 4 5 6 7 8 9 10 11 12 13 14 15 16 17 18 19 8  
TIFFEN Color Control Patches  
© The Tiffen Company, 2007

0 10 20 30 40 50 60 70 80 90 100 110 120 130 140 150 160 170 180

妙法蓮華經台宗會義卷七之二

古吳後學滿益智旭述



普門品入文為二。初問答。二聞品功德。

⑤初中二。初長文。二偈頌。⑥長文有兩番問答。

⑦初番為二。初問。二答。

⑧今初

爾時無盡意菩薩。即從座起。偏袒右肩。合掌向佛。而作是言。世尊。觀世音菩薩。以何因緣。名觀世音。

爾時者。說東方菩薩竟。次應說西方菩薩時也。世

說東方生善竟。次應說西方生善時。為說東方斷

疑竟次應說西方斷疑時。對治說東方得道竟次應

說西方得道時。第一無盡者境也。大品明空則無

盡。真大集明八十無盡門。華嚴明十種不可盡。俗

淨名云。夫無盡者。非盡非無盡。故名無盡。中意者

智也。即一心三智也。智契於境。境隨智空。名無盡

意。空又意者。世出世之本也。智隨于境。境多智多。

名無盡意。假又意即法界。一切皆是法界。故言能

觀心性。名為上定。中而作是言者。其二莊嚴。故能

問也。以何因緣者。若就眾生。則以善惡兩機為因

聖人靈智慈悲為緣。若就菩薩。則以觀智慈悲為

因。眾生機感為緣也。

⑧二答三。初總答。二別答。三勸持名答。即大佛頂

經所明十四無畏也。壬今初

佛告無盡意菩薩善男子。若有無量百千萬億眾生。

受諸苦惱。聞是觀世音菩薩。一心稱名。觀世音菩薩

即時觀其音聲。皆得解脫。

無量百千萬億眾生。標十法界種種機也。受諸苦

惱。明別業所感果報各不同也。自有一人受一苦

一人受多苦。多人受一苦。多人受多苦。今顯人多苦多。並爲菩薩與拔之境也。遭苦由于二世之惡。聞名卽是二世之善。一心稱名。有事有理。如此善惡。合爲機感也。卽時觀其音聲者。應之速也。皆得解脫者。應之普也。聞有四義。謂聞聞。聞不聞。不聞聞。不聞不聞。隨達一種。卽是四教聞慧。一心稱名。卽四教思修二慧。事一心者。謂念念相續。不起雜想。理一心者。謂了知此心非自他共。亦非無因。能稱所稱。體是法界也。事一心。解脫事難。理一心。解

脫理難。隨感必應。如啐啄同時。若夫稱唱累年。不蒙十效者。祇由未臻事一心故。然亦能作未來得度因緣。故雖散心。一稱名號。功無虛棄。但效有遲速耳。

⑤二別答三。初約口業機明應。二約意業機明應。三約身業機明應。⑥癸初中二。初明七難。二結歎。⑦子初又七。初火難。⑧至七怨賊難。⑨丑今初

若有持是觀世音菩薩名者。設入大火。火不能燒。由是菩薩威神力故。

持名是善。入火是惡。善惡合爲機感。威神力故。火不能燒。卽是應也。果報火。下從地獄。上至初禪。皆論機應。惡業火。下從地獄。上至非想。皆論機應。煩惱火。下從地獄。上至等覺。皆論機應也。

⑤二水難

若爲大水所漂。稱其名號。卽得淺處。

水漂是惡。稱名是善。以此爲機。得淺是應也。果報水下從地獄。上至二禪。惡業水。通三界。煩惱水。通九界。並論機感。

⑥三羅刹難

若有百千萬億衆生。爲求金銀瑠璃。砮碼瑙珊瑚。琥珀真珠等寶。入於大海。假使黑風吹其船舫。飄墮羅刹鬼國。其中若有乃至一人。稱觀世音菩薩名者。是諸人等。皆得解脫。羅刹之難。以是因緣。名觀世音。此羅刹難。亦是風難。果報羅刹。在欲界。惡業羅刹。徧三界。煩惱羅刹。通九界。又果報風。至三禪。惡業風。徧三界。煩惱風。通九界。各論機應。並可例解。

⑦四刀杖難

若復有人。臨當被害。稱觀世音菩薩名者。彼所執刀杖。尋段段壞。而得解脫。

果報刀杖。局在地居。惡業刀杖。遍三界。煩惱刀杖。通九界也。

⑤五鬼難

若三千大千國土。滿中夜叉羅刹。欲來惱人。聞其稱觀世音菩薩名者。是諸惡鬼。尚不能以惡眼視之。况復加害。

鬼難例前羅刹可解。言六千滿中者。假使之辭。意

顯煩惱惡鬼。彌滿。唯稱名能降伏之。

⑥六枷鎖難

設復有人。若有罪。若無罪。杻械枷鎖。檢繫其身。稱觀世音菩薩名者。皆悉斷壞。即得解脫。

有罪是現世惡。無罪是過去惡。在手曰杻。在足曰械。在頭曰枷。連身曰鎖。封名爲檢。縛名爲繫。果報枷鎖。在欲界。惡業枷鎖。遍三界。煩惱枷鎖。通九界也。

⑦七怨賊難

法華會義卷一  
五  
若三千大千國土。滿中冤賊。有一商主。將諸商人。齎持重寶。經過險路。其中一人。作是唱言。諸善男子。勿得恐怖。汝等應當一心稱觀世音菩薩名號。是菩薩能以無畏施於衆生。汝等若稱名者。於此怨賊當得解脫。衆商人聞。俱發聲言。南無觀世音菩薩。稱其名故。卽得解脫。

大千滿中。亦假設之辭。奪命名冤。劫財名賊。果報冤賊。在欲界。惡業冤賊。遍三界。煩惱冤賊。通九界。觀心釋者。大千滿中冤賊。無始煩惱種子。集在第八藏識中也。有一商主。第六識也。諸商人。徧行別境及諸善心所也。重寶。出世三乘法也。經過險路。諸對治法與諸煩惱相遇也。其中一人。或是勝解。或是善慧。或是信也。一心稱名。四教聞思修慧也。俱發聲者。心王與諸善心所決相應也。卽得解脫者。證于四教所詮理也。又此七難。卽表衆生身有六大。火卽火大。水卽水大。風卽風大。刀杖枷鎖。皆卽地大。三千大千。以表空大。羅刹冤賊。以表識大。觀音菩薩觀此六大。皆如來藏。一一卽空假中。自

既解脫。故能令他解脫。衆生迷此六大之性。枉受  
果報惡業煩惱諸難。然正迷時。性德無改。原與菩  
薩體同。故聞名稱念。隨其解有偏圓。行有淺深。所  
得四教四益。亦有差別。究竟終得一切種智。則無  
別也。初明七難竟。  
子二結歎  
無盡意。觀世音菩薩摩訶薩。威神之力。巍巍如是。  
巍巍者。高顯也。功超九界。故高。名彰三土。故顯。初  
約口業。機明應竟。

○約意業。機明應。二。初明三毒。一結歎。子今

初

若有衆生多於婬欲。常念恭敬觀世音菩薩。便得離  
欲。若多瞋恚。常念恭敬觀世音菩薩。便得離瞋。若多  
愚癡。常念恭敬觀世音菩薩。便得離癡。  
多欲恚癡。是惡。常念恭敬。是善。此二爲機。得離卽  
是應也。事欲事恚。局在欲界。事癡卽通三界。理三  
毒者。二乘以耽真爲欲。畏俗爲瞋。不了生死涅槃  
如幻爲癡。出假菩薩。以遊戲神通爲欲。訶厭二乘

法華會義十六  
爲瞋。不達中道爲癡。地前菩薩。以中道似愛爲欲。雙捨二邊爲瞋。無明未破爲癡。乃至等覺後心。猶有微細無明未破。卽有微細欲恚未除。今由大悲菩薩從初發心。觀此貪瞋癡等煩惱皆是因緣生法。一卽空假中。卽空故離凡夫三毒。卽假故離二乘三毒。卽中故離菩薩三毒。成就不可思議三種善根。亦是成就不可思議大貪大瞋大癡法門。故令常念恭敬之者。隨解偏圓。隨行淺深。得離亦有種種差別。究竟歸于無差別也。

子二結歎

無盡意觀世音菩薩。有如是等大威神力。多所饒益。是故衆生常應心念。

二約意業機明應竟

癸三約身業機明應二。初明二求。二結歎。子今

初

若有女人。設欲求男。禮拜供養觀世音菩薩。便生福德智慧之男。設欲求女。便生端正有相之女。宿植德本。衆人愛敬。

求男求女獨標女人者。女人以無子爲苦。夫主所棄。並婦所輕。旁人所笑。故也。禮拜供養。是機感。便生男女。是普應也。法門解者。四教未證實理。皆名女人。四教各論慧。男定女。良由大士先證權實。男女。故能爲增上緣。令諸行人各得成就。諸定慧也。又欲界有慧無定。是狂男。無色有定無慧。是癡女。四禪定慧均平。如福德男。端正女也。然男無破惑之功。女無出生無漏之力。此亦無用男女。藏通兩教。二乘慧能斷見思惑。是幹事之男。定能發生無

漏。是育嗣之女。然慧不能破無明。見佛性。則男而不男。定不能懷中道子。則女猶石女。故大經云。二乘定多慧少。不見佛性。菩薩慧多定少。亦不見佛性也。唯別教初地。真明慧發。無緣慈成。乃名真正男女。圓教初住。見中道時。定慧具足。男女相滿。故男名福德。是有定之慧。女名端正。是有慧之定也。

子二結歎

無盡意。觀世音菩薩。有如是力。若有衆生恭敬禮拜。觀世音菩薩。福不唐捐。

唐捐謂虛棄此句兼釋疑也。亦有禮拜不得男女者。唯由機淺。故所求未遂。而禮拜之福終必不失也。二別答竟。

⑤三勸持名答三。初勸持。二格量。三結歎。⑥今初。

是故衆生皆應受持觀世音菩薩名號。

上說觀音得名因緣。其力廣大。既不辨形質。但是述名論德。若欲歸崇。宜受持名號。故結勸持名也。良由萬德洪名稱實。所召只此一名一字。法爾具

足三千性相。三諦妙理。法爾圓收。頓漸偏圓。權實妙智。法爾理智。本自不二。不二而二。理智宛然。舉一假名。則一切假名。一切實法。一切國土。無不歸趣。此假名中。是故聞名功德。已自不可思議。受持功德。尤不可思議也。持名既爾。想彼正報。依報。亦復如是。故知阿彌陀經。觀無量經。與此妙經。同一圓頓。甚深。希有法門。無有優劣。

⑦二格量。

無盡意。若有人受持六十二億恒河沙菩薩名字。復

法華會義十六  
盡形供養飲食衣服卧具醫藥。於汝意云何。是善男子善女人。功德多不。無盡意言。甚多。世尊。佛言。若復有人。受持觀世音菩薩名號。乃至一時禮拜供養。是二人福。正等無異。於百千萬億劫。不可窮盡。文有四意。一格量本。二問。三答。四正格量也。格量本中。共舉四多。六十二億恒沙。是福田多。受持是持名多。盡形。是時節多。飲食等四事供養。是種子多。以此四多爲格量本也。問答可知。正格量中。還舉四少以格四多。但一觀世音。則福田少。持名亦

少。乃至一時。則時少。禮拜供養。不言四事。則種子少。而功德正等無異。良由真如實際。一多無性。本自平等故也。觀音證此實際故。一則非一。與多正等。六十二億證此實際故。多則非多。與一正等。一中解無量。故說六十二億。無量中解一。故說觀世音耳。占察經云。能聞我名者。卽爲聞十方佛名。亦是此意。

癸三結歎

無盡意受持觀世音菩薩名號。得如是無量無邊福

德之利

初番問答。明衆生三業顯機爲境。法身靈智冥應境智因緣。名觀世音竟。

庚次番亦二。初問。二答。

辛今初

無盡意菩薩白佛言。世尊。觀世音菩薩云何遊此娑婆世界。云何而爲衆生說法。方便之力。其事云何。問有三意。一云何遊。是問身業。二云何說。是問口業。三方便云何。是問意業。卽是三輪不思議化。亦名三不護。三無失也。不思議化者。化作佛身。亦卽

化作佛口。佛心。乃至化作執金剛神。亦卽化作金剛心口。雖屈曲利物。而于法身智慧無所損減。故淨名云。善能分別諸法相。於第一義而不動。不動而動。名不思議化也。問。意業云何可化。答。聖意無能測者。若欲示之。乃至昆蟲。亦令得知。故唯識云。無上覺者。神力難思。化無量類。皆令有心。也不護者。住不思議圓普法門。實不作意計校籌量。次第經營。譬如明鏡。隨對卽現。無有分別。亦無前後也。無失者。衆生根機不同。淺深有異。觀音雖不作念。



女身得度者。卽現婦女身而爲說法。應以童男童女身得度者。卽現童男童女身而爲說法。應以天龍夜叉乾闥婆阿修羅迦樓羅緊那羅摩睺羅伽人非人等身得度者。卽皆現之而爲說法。應以執金剛神得度者。卽現執金剛神而爲說法。應以之。言。答。意。業。方。便。能。知。機。宜。現。身。答。身。業。說。法。答。口。業。三。業。本。不。相。離。也。此。中。別。明。三。十。三。身。若。并。人。及。非。人。則。是。三。十。五。身。大。佛。頂。經。明。三。十。二。應。開。出。獨。覺。別。爲。一。合。四。婦。女。但。爲。一。略。不。言。

迦樓羅。文有開合。義無增減。總而言之。止是十法界身耳。不言菩薩身者。正就菩薩法界。廣明現餘九法界像。以顯十界互具。重重無盡之意也。不言地獄界者。攝在非人中。也。若有國土衆生者。實報方便同居三種國土十法界機也。實報土中。純以菩薩而爲衆生。唯有佛界機。方便土中。有九種衆生。謂藏教二乘無學。通教三乘斷通惑人。別三十心。圓教十信也。有二種機。一是佛界機。二是菩薩界機也。同居土中。具足九界衆生及十界機。對

機設應具須十界佛身。又有四教相別。辟支又有緣獨不同。聲聞又有析法體法。四向四果。及示隨五味展轉調伏不同。既現梵王。理應亦現光音徧淨三王。既現帝釋。理應亦現夜摩兜率化樂三王自在。即欲界主大自在。即四禪主。既云毘沙門。亦必現餘三天。故佛頂直云四天王也。既云小王。亦必應現四種輪王。既云人非人等。言人。則老少貴賤。何所不收。言非人。則地獄鬼畜。何所不收。故下文云。以種種形遊諸國土。但可意知。豈可言盡。爲

說法者。隨其所堪。或權或實。或頓或漸。或顯或密。令得權實四益。究竟終歸一實益耳。

壬二總答

無盡意是觀世音菩薩。成就如是功德。以種種形遊諸國土。度脫衆生。

前別答三十五身。文廣而意狹。此總答如是功德。世文狹而義廣。以種種形。則不止三十五身。遊諸國土。則不局娑婆世界明矣。

具壬三勸供養二。初勸二受旨。癸今初

是故汝等應當一心供養觀世音菩薩。是觀世音菩薩摩訶薩。於怖畏急難之中。能施無畏。是故此娑婆世界。皆號之為施無畏者。

既名觀世音。亦名施無畏者。從德受名。德既無盡。名亦無盡也。

○癸二受旨。六初奉命。二不受。三重奉。四佛勸。五受。

已轉奉。六歎結。子今初。

無盡意菩薩白佛言。世尊。我今當供養觀世音菩薩。即解頸眾寶珠。瓔珞價直百千兩金。而以與之。作是

言。仁者受此法施珍寶瓔珞。

眾寶珠瓔珞者。眾寶間珠。共為嚴飾也。無盡意位

高。瓔珞何止直百千兩。如云。百姓萬民。不止一百

一萬也。又頸表中道。實之理。以眾多無盡法門。

莊嚴實相。如瓔珞在頸。解者表菩薩為常捨行。故

一切願行功德。乃至佛智菩提涅槃。亦不在不著

無依無倚。故言解也。大集云。戒定慧陀羅尼以為

瓔珞莊嚴法身。百千是十萬。表十地各有萬德也。

法施者。財即是法。財是因緣。生法。即空即假。即中。

法華會義十一  
三諦一心。一切具足。於法平等。於財亦等。如此施者。卽是法施也。

子二不受

時觀世音菩薩不肯受之。

約事則無盡意奉命供養。我未奉命。故不肯受。禮應遜讓也。約表法則不受三昧廣大之用。故無所受。

子三重奉

無盡意復白觀世音菩薩言。仁者愍我等故。受此瓔

瓔

或請上愍下。或地位相齊。亦可相愍。或我爲四衆故。施仁愍四衆而受。以無所受而受。諸受也。

子四佛勸

爾時佛告觀世音菩薩。當愍此無盡意菩薩。及四衆天龍夜叉乾闥婆阿修羅迦樓羅緊那羅摩睺羅伽人非人等。故受是瓔瓔。

正以菩薩爲物。故施亦應爲物。故受也。

子五受已轉奉

法華會義十一  
卽時觀世音菩薩。愍諸四衆。及於天龍夜叉乾闥婆  
阿修羅迦樓羅緊那羅摩睺羅伽人非人等。受其瓔  
珞。分作二分。一分奉釋迦牟尼佛。一分奉多寶佛塔  
祇一法施瓔珞。分作二分。表一實相。舉體作事理  
二因也。奉二佛者。表以二因趣二果也。理圓卽法  
佛事圓。卽報佛。還以二佛表二果也。

子六歎結

無盡意。觀世音菩薩。有如是自在神力。遊於娑婆世  
界。

初長文竟

②二偈頌。什公不譯。故舊本皆無。文句義疏亦皆  
不釋。續高僧傳云。偈是闍那掘多所譯。今流通  
本。旣並增入。故科註中依慈雲師所分之科。而  
洎釋之。大科爲三。初雙頌兩問。二雙頌兩答。三  
雙頌兩勸。庚今初

爾時無盡意菩薩以偈問曰

世尊妙相具。我今重問彼。佛子何因緣。名爲觀世音  
初句歎佛德。次句雙含二問。後二句別頌初問也。

庚二雙頌兩答二。初加頌總歎行願。二別頌兩答

辛今初

具足妙相尊。偈答無盡意。汝聽觀音行。善應諸方所。  
弘誓深如海。歷劫不思議。侍多千億佛。發大清淨願。  
初二句經家敘辭。次六句佛正答也。汝聽者誠令  
生三慧也。觀音行者一心三智。觀十界音。令無量  
苦。一時解脫。卽已成利他行也。善應諸方所者不  
動真心。垂形三土。三十二應處處現往。卽普門神  
通力也。此二句總歎所尅真應二身也。弘誓深如

海者明其初發心時。緣於無作四諦。故橫該十界  
豎徹三諦。廣且深也。歷劫等者明其中間以行填  
願。所經時久。所侍佛多。所發願大。故得成今真應  
二身。譬如水漲船高。泥多佛大也。

辛二別頌兩答二。初頌前答。二頌後答。壬初中

二。初頌總答。二頌別答。

癸今初

我爲汝略說聞名及見身心念不空過。能滅諸有苦  
略說者舉要而言也。聞名故稱。口業機也。見身故  
禮。身業機也。心念。意業機也。諸有。二十五有也。

法華會義十六  
癸二頌別答二。初頌七難。二頌三毒二求。子初  
中十二。初頌第一火難。至十二加頌雷雨難。

丑今初

假使興害意。推落大火坑。念彼觀音力。火坑變成池。  
念彼觀音者。若就佛說。觀音爲彼。卽約師弟。假分  
彼此。若就衆生念彼觀音。卽約感應。暫分彼此。師  
弟感應。無非法界。能所宛然。能所斯絕。衆生念自  
心中之彼觀音。觀音應自心中之彼衆生。感應道  
交。不可思議。

丑二頌第二水難

或漂流巨海。龍魚諸鬼難。念彼觀音力。波浪不能沒。

丑三加頌墮須彌難

或在須彌峰。爲人所推墮。念彼觀音力。如日虛空住。  
約事卽是假設之辭。設使從須彌墮。尚不損傷。况  
餘山耶。約觀解者。本在中道實相性德。須彌山王。  
無明惡人。推墮二死海中。念彼觀音三智三德。便  
同諸佛。任無所任。

丑四加頌墮金剛山難。例須彌難可解。前時一

或被惡人逐。墮落金剛山。念彼觀音力。不能損一毛。

⑤五超頌第七冤賊難

或值冤賊繞各執刀加害。念彼觀音力。咸即起慈心。

⑥六追頌第四刀杖難

或遭王難苦臨刑。欲壽終。念彼觀音力。刀尋段段壞。

⑦七追頌第六枷鎖難

或囚禁枷鎖手足被桎械。念彼觀音力。釋然得解脫。

⑧八加頌呪咀毒藥難

呪詛諸毒藥。所欲害身者。念彼觀音力。還著於本人。

呪使鬼神往殺前人。若前人有種種福德所護。不

可殺者。法須還著本人。密部明之甚詳。須知還著

本人。亦復具有四悉檀。益蘇軾改云。兩家俱沒事。

者。見識單淺。未知折攝之妙也。

⑨九追頌第五鬼難

或遇惡羅刹毒龍諸鬼等。念彼觀音力。時悉不敢害。

⑩十加頌惡獸難

若惡獸圍繞。利牙爪可怖。念彼觀音力。疾走無邊方。

⑪十一加頌蛇蠍難

法華會義十六  
三十一  
蚺蛇及蝮蠍。氣毒煙火然。念彼觀音力。尋聲白廻去。  
⑤十二加頌雷雨難。念彼觀音力。應時得消散。  
雲雷鼓掣電。降雹澍大雨。念彼觀音力。應時得消散。  
正頌七難。加頌有五。共為十二。皆須具約果報惡。  
業煩惱六道四教。一釋之若約所表。不出六大。  
須彌金剛。亦是地大。雷電火大。雹雨水大。獸蛇呪  
詛。皆表識大。菩薩因中。觀此六大。即空假中。今在  
六種如實之際。故徧法界救諸苦惱。以要言之。一  
切依正。皆是觀音妙色妙心。一切衆生于聖色心

而自為難。如閻中觸寶。自傷其身。三業求救。亦即  
觀音。是故機成。即時而應。當以此義。念念觀之。何  
患不同。觀音利物。初頌七難。竟  
⑥子二頌三毒二求  
衆生被困厄。無量苦逼身。觀音妙智力。能救世間苦。  
界內界外。皆有三毒之苦。皆有無男無女之苦。故  
無量也。初頌前答竟

⑦壬三頌後答二。初正頌示現。二加頌顯機顯應。  
⑧癸初正頌示現。長文有別有總。別明三十二應。

總明身多境多。今不分總別。但通明三輪不思議化。即分爲三。初明身業普應。二明意業普觀。

無三明日業普說。子今初

具足神通力。廣修智方便。十方諸國土。無刹不現身。種種諸惡趣。地獄鬼畜生。生老病死苦。以漸悉令滅。具足神通力者。百界千如全體之妙用也。廣修智方便者。權實二智照性以發通也。上文但以非人二字合三惡趣。今具出之。故知具十法界身也。分段變易。各有四相之苦。以漸悉令滅。歸于常寂光。

或權或實。循循善誘。合宜而用。藥不執方。明矣。

子二明意業普觀

真觀清淨觀。廣大智慧觀。悲觀及慈觀。常願常瞻仰。無垢清淨光。慧日破諸暗。能伏災風火。普明照世間。初一偈明所證體。次一偈明所起用也。真觀者。證不思議空也。清淨觀者。證不思議假也。廣大智慧觀者。證不思議中也。悲觀者。以不思議三觀與諸衆生同一悲仰也。慈觀者。以不思議三觀與佛如來同一慈力也。同慈力。故云常願。同悲仰。故常瞻。

仰由深證此一心三觀故發無垢清淨光明名為  
慧日能破十界三惑闇之集諦能伏十界二死災  
風火之苦諦能與十界道滅而普明照世間也

子三明日業者說

悲體戒雷震慈意妙大雲澍甘露法雨滅除煩惱  
欲說大法必依身意以為授法之本為度眾生現  
身說法故所現身名為大慈悲體與下慈意互舉  
一字相影略耳先用戒德警人如天震雷物無不  
肅故云悲體戒雷震也拔苦與樂名為大慈悲意

無緣而被名之為妙物無不覆譬如大雲故云慈  
意妙大雲也諸天甘露服之不死所澍法雨亦復  
如是聞者悟道證常任命三惑煩惱苦能滅除與  
拔同時十界皆得度也初正頌示現竟

癸二加頌顯機顯應

諍訟經官處怖畏軍陣中念彼觀音力眾冤悉退散  
長文三十二應應雖屬顯機則或冥或顯不可定  
判今頌既云念彼觀音則灼然是顯機也諍訟怖  
畏亦須果報惡業煩惱三釋或此亦是加頌七難

偶錯簡耳。但云衆冤退散。或仍是冥應也。二雙頌  
兩答竟

庚三雙頌兩勸。二初頌前番勸持名。二頌後番勸  
供養。

辛初中。初明境智深妙。以勸常念。二  
明感應難測。以勸勿疑。

壬今初

妙音觀世音。梵音海潮音。勝彼世間音。是故須常念。  
此明菩薩有種種德。具種種名。一一名字。並詮法  
界圓融。不思議德。故須念也。卽權而實。名爲妙音。  
卽實而權。名觀世音。契本淨性。名爲梵音。契十界

機。名海潮音。權實不二。自他不二。故勝彼十法界  
世間音也。權卽實故。他卽自故。勝于別教所詮九  
界。迷理起惑。實卽權故。自卽他故。勝于別教所詮  
佛界緣理斷九也。所以觀音一名。卽與六十二億  
名號功德正等。

壬二明感應難測。以勸勿疑。

念念勿生疑。觀世音淨聖。於苦惱死厄。能爲作依怙。  
疑去則念成。念成則二死可脫。故勸勿疑。初頌前  
番勸持名竟。

法華會義卷一  
三三  
辛二頌後番勸供養

具一切功德。慈眼視衆生。福聚海無量。是故應頂禮。  
念頂禮卽是三業供養也。初問答竟。

戊二聞品功德二。初持地歎證。二經家述益。 巳

今初

爾時持地菩薩卽從座起。前白佛言。世尊。若有衆生  
聞是觀世音菩薩品自在之業。普門示現神通力者。  
當知是人功德不少。

自在之業。謂于七難三毒二求皆得大自在也。普

門示現。謂現十法界身方便說法也。聞者功德已  
自不少。况受持讀誦解說書寫如說修行者乎。然  
非通別釋題。安令聞者獲大功德。故須持地菩薩  
而歎證之。大佛頂經云。毘舍浮佛摩頂。謂我當平  
心地。則世界地一切皆平。我卽心開。見身微塵與  
造世界所有微塵等無差別。悟無生忍。聞諸如來  
宣妙蓮華佛知見地。我先證明而爲上首。蓋旣悟  
地大本如來藏。卽悟七大皆如來藏。旣悟七大皆  
如來藏。卽悟五陰六入十二處十八界皆如來藏。

法華會義十六  
既悟陰入處界皆如來藏。卽悟七難三毒乃至十法界身皆如來藏。故能證此聞品功德也。

④二經家述益

佛說是普門品時。衆中八萬四千衆生皆發無等等阿耨多羅三藐三菩提心。

無等等者。無上菩提。無與等者。得此理已。等一切法。皆成無上。如世仙丹。無與等者。能點他物。亦成仙丹。此約開顯之圓。橫收一切。皆歸一實也。又究竟佛果。無與等者。初發心時。卽便等之。如轉輪王。

無與等者。太子初生。卽便等之。此約實相之體。豈談因果。初後宛然也。又心卽理。理卽心。心外無理。理外無心。心之與理。但有名字。名字性空。俱不可說。將何物等何物。而云無等等耶。不可說而說。說此心等此理。是故言無等等。此約雙遮雙照。非橫非豎。而橫而豎也。發心有二。一觀行發心。二相似發心。三分證發心。今必是分證也。約化他勸流通中。二勗受法弟子竟。

法華會義十六  
釋普門品竟。次釋陀羅尼品

陀羅尼。此翻總持。持惡不起。持善不失。世又翻遮

持。能持善。為人。能遮惡。對遮邊惡。持中善。第一衆經

用法不同。或專治病。如療痔等。或專護法。如此文

或專滅罪。如方等。或通用治病滅罪護經。如請觀

音等。或大神呪大明呪無上呪無等等呪。則非治

病。非滅罪。非護經。又密部共有三種。一佛部。自分

五部。即五佛所說也。二菩薩部。三鬼神部。一一部

中。各論上中下三法。成就增益。名上法。禳災攝召

名中法。降伏。名下法。于上法中。又分三品。各有行

儀。各有觀法。各有嚴禁。而通以無上菩提心為王。

若無師傳。則名盜法。若違行儀。則招惡報。若犯嚴

禁。輒以功效向他人說。則招奇禍。並是如來不可

思議。四悉益物。切須依經。幸勿乖教。舊名為呪。新

譯名為真言。亦名為明。或是鬼神王名。故能降伏

鬼神。世或如軍中密號。唱使相應。為或如密默治

惡。對或是如來密語。如王索先陀婆羣下不曉。唯

有智臣。乃能知之。洗時奉水。飲時奉器。食時奉鹽

遊時奉馬。陀羅尼亦爾。祇是一法。徧有諸力。病愈  
罪除。善生道合。第一義故存本音。不翻譯也。不說

③三呪護者。惡世弘經。每多惜難。故以真言護之。  
使道流通也。文為四。初問持經功德。二答甚多。

三請以呪護。四闍品得益。

④今初

爾時藥王菩薩。即從座起。偏袒右肩。合掌向佛。而白  
佛言。世尊。若善男子。善女人。有能受持法華經者。若  
讀誦通利。若書寫經卷。得幾所福。無上菩薩。心念

⑤二答甚多

佛告藥王。若有善男子。善女人。供養八百萬億那由  
他恒河沙等諸佛。於汝意云何。其所得福。寧為多不。  
甚多。世尊。佛言。若善男子。善女人。能於是經。乃至受  
持一四句偈。讀誦解義。如說修行。功德甚多。

⑥三請以呪護。五。初藥王。二。勇施。三。毘沙門。四。持

國五羅刹女。

⑦初中四。初請二說。三歎。四印

⑧今初

爾時藥王菩薩白佛言。世尊。我今當與說法者。陀羅  
尼呪以守護之。

呪是華言。謂禁呪。呪祝。呪願也。秘密不翻。乃以此名目之。今華梵雙舉。故云陀羅尼呪。

②二說

卽說呪曰。安爾一曼爾二摩禰三摩禰四旨隸五

遮梨第六賒咩七莫者八賒履多瑋九羶帝十目

多履十一娑履十二阿瑋娑履十三桑履十四娑履十五又喬十六

阿又喬十七阿耆臆十八羶帝十九賒履二十陀羅尼二十一阿

盧伽娑娑蘇奈切簸蔗毗又臆二十禰毗剃二十阿便

哆邏禰履剃二十阿直多罕切哆波隸輸地二十歐究

隸二十牟究隸二十阿羅隸二十波羅隸二十首迦

差初几切阿三磨三履三十佛陀毗吉利表音帝

二達磨波利差猜離帝僧伽涅瞿沙禰三十婆

舍婆舍輸地三十曼哆邏三十曼哆邏又夜多三十

郵樓哆三十郵樓哆憍舍略來加切惡又邏四十惡又

冶多冶四十阿婆盧四十阿摩若荏遮切那多夜四十

③三歎

世尊是陀羅尼神呪。六十二億恒河沙等諸佛所說。若有侵毀此法師者。則為侵毀是諸佛已。

④四印 時釋迦牟尼佛讚藥王菩薩言善哉善哉藥王汝愍  
 念擁護此法師故說是陀羅尼於諸衆生多所饒益  
 ⑤一勇施三初請二說三歎 ⑥今初  
 爾時勇施菩薩白佛言世尊我亦爲擁護讀誦受持  
 法華經者說陀羅尼若此法師得是陀羅尼若夜叉  
 若羅刹若富單那若吉蔗若鳩槃荼若餓鬼等向求  
 其短無能得便  
 富單那熱病鬼也吉蔗起尸鬼也

④二說

卽於佛前而說呪曰瘞誓螺切 隸一 摩訶二 瘞二 隸二 郁三 枳三  
音紙 日四 枳四 阿五 隸五 阿六 羅六 婆六 第六 涅七 隸七 第七 涅七 隸七 多七  
 婆八 第八 伊九 緻九 枳十 韋十 緻十 枳十 旨十 緻十 枳十 涅十 隸十  
 墀十一 枳十一 涅十一 犁十一 墀十一 婆十一 底十一 三十一  
 ④三歎

世尊是陀羅尼神呪恒河沙等諸佛所說亦皆隨喜  
 若有侵毀此法師者則爲侵毀是諸佛已

⑤三毘沙門三初請三說三歎 ⑥今初

爾時毗沙門天王護世者。白佛言。世尊。我亦為愍念  
衆生。擁護此法師故。說是陀羅尼。

④二說

卽說呪曰。阿梨

一 那梨

二 窣那梨

三 阿那盧

四 那履

五 拘那履

⑤三歎

世尊。以是神呪擁護法師。我亦自當擁護持是經者。  
令百由旬內無諸衰患。

⑥四持國三。初請。二說。三歎。

⑦今初

爾時持國天王在此會中。與千萬億那由他乾闥婆  
衆。恭敬圍繞。前詣佛所。合掌白佛言。世尊。我亦以陀  
羅尼神呪。擁護持法華經者。

⑧二說

卽說呪曰。阿伽彌

一 伽彌

二 瞿利

三 乾陀利

四 旃陀

利

五

摩蹉

音者

六

常求利

七

浮樓莎梔

入

頰底

九

⑨三歎

世尊。是陀羅尼神呪。四十二億諸佛所說。若有侵毀  
此法師者。則為侵毀是諸佛已。

⑤五羅刹女五。初列名同請。二說。三歎。四誓。五印。

⑥今初

爾時有羅刹女等。一名藍婆。二名毗藍婆。三名曲齒。四名華齒。五名黑齒。六名多髮。七名無厭足。八名持瓔珞。九名臯帝。十名奪一切衆生精氣。是十羅刹女。與鬼子母。并其子及眷屬。俱詣佛所。同聲白佛言。世尊。我等亦欲擁護讀誦受持法華經者。除其衰患。若有伺求法師短者。令不得便。白佛言。世尊。汝等應

⑦二說大士於此會中。與千高尊。得白此經。即

即於佛前而說。呪曰。伊提履。一伊提泥。二伊提履。三

阿提履。四伊提履。五泥履。六泥履。七泥履。八泥履。九

泥履。十樓醯。十一樓醯。十二樓醯。十三樓醯。十四多醯。十五多醯。

十六多醯。十七兜醯。十八菟醯。十九

⑧三歎

寧上我頭上。莫惱於法師。若夜叉。若羅刹。若餓鬼。若富單那。若吉蔗。若毗陀羅。若犍駄。若烏摩勒伽。若阿跋摩羅。若夜叉。若吉蔗。若人。若吉蔗。若熱病。若一日。若二日。若三日。若四日。若至七日。若常熱病。若男形。若女

形。若童男形。若童女形。乃至夢中。亦復莫惱。卽於佛前而說偈言。若不順我呪。惱亂說法者。頭破作七分。如阿梨樹枝。如殺父母罪。亦如壓油殃。斗秤欺誑人。調達破僧罪。犯此法師者。當獲如是殃。

毘陀羅。赤色鬼。犍陀。黃色鬼。烏摩勒伽。烏色鬼。阿跋摩羅。青色鬼。阿梨樹枝墮地。法爾破爲七片。殺父殺母破僧。是五逆之三。壓油殃者。西國壓油。擣麻使生蟲。然後壓之。汁多而肥。此殺業之尤。斗秤欺誑人者。出用輕小。入用重大。此盜業之尤。故有

震銘其背者。罪惡亦不輕也。

④四誓

諸羅刹女說此偈已。白佛言。世尊。我等亦當身自擁護。受持讀誦修行。是經者。令得安隱。離諸衰患。消衆毒藥。

⑤五印

佛告諸羅刹女。善哉善哉。汝等但能擁護。受持法華名者。福不可量。何況擁護具足。受持供養經卷。華香瓔珞。末香塗香。燒香幡蓋伎樂。然種種燈。酥燈。油燈。

法華會義十六  
三六  
諸香油燈。酥摩那華油燈。薔蔔華油燈。婆師迦華油  
燈。優鉢羅華油燈。如是等百千種供養者。臯帝。汝等  
及眷屬。應當擁護。如是法師。

三請以呪護竟

丁四聞品得益

說是陀羅尼品時。六萬八千人得無生法忍。

釋陀羅品呪護竟。次釋妙莊嚴王本事品。

妙莊嚴王本事品第二十七

此因緣出他經。昔佛末法。有四比丘。于法華經極

生殷重。始則研求未悟。結契入山。既又助道艱難。  
不能專志。其一人云。吾等四窮。尚不存身。法將安  
寄。君三人者。但以命奉道。莫慮朝中。我當捨此身  
力。誓給所須。於是三人得展其誠。功超累劫。而此  
一人。數涉人間。道力未固。偶逢王駕。羨彼光榮。福  
力所資。隨念受報。人中天上。常得爲王。享受既久。  
漸起過患。三人以道眼見之。議共濟度。知其著欲。  
兼復邪見。若非愛鉤。無由可拔。故一爲其婦。二爲  
其子。具如今經所明。婦卽妙音菩薩。王卽華德菩

薩。二子卽是藥王藥土。妙音處處弘經。藥王說呪  
護法。流通妙典。四聖功深。說彼前緣。故名妙莊嚴  
本事品也。世又妙莊嚴者。妙法功德莊嚴六根也。  
此王往日。與妙法有緣。道熏時熟。諸根應淨。生雖  
未獲。其理必臻。故靈瑞感通。嘉名早立。例如善吉  
雖未無諍。已號空生。下文云。八萬四千歲精進修  
行妙法華經。得一切淨功德莊嚴三昧。以是義故  
名爲妙莊嚴也。嘉名早立。是爲人精進修行。本迹  
是對治。得三昧。是第一義。本迹  
者。迹則當時一凡三聖。本則四皆是大菩薩。爲欲

引導彼時眷屬及諸衆生故也。觀心者。于諸見本  
動而通達正見。統御無外。名爲妙莊嚴王。

丙約化他勸流通中。四明人護六。初明事本。二雙  
標所化能化。三明能化方便。四明所化得益。五  
結會古今。六闡品悟道。

丁今初

爾時佛告諸大衆。乃往古世。過無量無邊不可思議  
阿僧祇劫。有佛名雲雷音宿王華智多陀阿伽度阿  
羅訶三藐三佛陀。國名光明莊嚴。劫名喜見。

丁二雙標所化能化

彼佛法中有王。名妙莊嚴。其王夫人。名曰淨德。有二子。一名淨藏。二名淨眼。是二子有大神力。福德智慧。久修菩薩所行之道。所謂檀波羅蜜。尸羅波羅蜜。羼提波羅蜜。毗離耶波羅蜜。禪波羅蜜。般若波羅蜜。方便波羅蜜。慈悲喜捨。乃至三十七品助道法。皆悉明了。通達。又得菩薩淨三昧。日星宿三昧。淨光三昧。淨色三昧。淨照明三昧。長莊嚴三昧。大威德藏三昧。於此三昧。亦悉通達。

王是所化。夫人二子是能化也。別顯二子功德。大

神力是如來衣。大福德是如來室。大智慧是如來座。六度加方便爲七。或于權慧開出方願力智。則爲十度。今但云方便。卽攝餘三。慈悲喜捨。是四無量心。三十七品。有經名爲正道。以其是慧行故。此中指爲助道。以七科豎入故。意指十度以爲正道。然圓教十度。四等三十七品。並是稱性無作妙道。非正非助。一往隨義名正助耳。禪中具有三昧。道品中亦節節有三昧。今更標七三昧名。皆是隨用立名。其理不異也。圓離三垢。名淨三昧。實智如日。

權智如星。權實不二。名日星宿三昧。性淨發光。名淨光三昧。普現色身。名淨色三昧。性淨光明照了諸法。名淨照明三昧。示現莊嚴長時不滅。名長莊嚴三昧。十力威德。含攝諸法。名大威德藏三昧。

④三明能化方便三。初時至。二論議。三現化。

⑤

今初

爾時彼佛欲引導妙莊嚴王及愍念衆生故。說是法華經。

彼佛出世常宣正法。觀于王及衆生機熟時至。乃

說是法。說是法華。卽王得度時至故也。

⑤二論議

時淨藏淨眼二子。到其母所。合十指爪掌白言。願母往詣雲雷音宿王華智佛所。我等亦當侍從。親近供養禮拜。所以者何。此佛於一切天人衆中說法華經。宜應聽受。母告子言。汝父信受外道深著婆羅門法。汝等應往白父。與共俱去。淨藏淨眼合十指爪掌白母。我等是法王子。而生此邪見家。母告子言。汝等當憂念汝父。爲現神變。若得見者。心必清淨。或聽我等

往到佛所。子白母時至。母讓令化父。子怨生邪見家。母責令  
其本。則子母元知。若附世情。則母慈先白。若約利  
他。則慈復居先。

⑤三現化

於是二子念其父故。涌在虛空。高七多羅樹。現種種  
神變。於虛空中行。任坐卧。身上出水。身下出火。身下  
出水。身上出火。或現大身。滿虛空中。而復現小。小復

現大。於空中滅。忽然在地。入地如水。履水如地。現如  
是等種種神變。令其父王心淨信解。

三明能化方便竟

①四明所化得益十。初信子伏師。二白母求出家。

三重催見佛。四敘歎功德。五俱詣佛所。六佛授

王記。七出家修行。八稱歎二子。九佛述行高。十

讚佛自誓。

⑤今初

時父見子神力如是。心大歡喜。得未曾有。合掌問子  
言。汝等師為是誰。誰之弟子。二子白言。大王。彼雲雷

音宿王華智佛。今在七寶菩提樹下法座上坐。於一切世間天人眾中廣說法華經。是我等師。我是弟子。父語子言。我今亦欲見汝等師。可共俱往。

王昔信受外道所觀邪變。不過或一或二。狹而且陋。故今見子所作。信伏其師而求見也。

⑤ 二白母求出家

於是二子從空中下。到其母所合掌白母。父王今已信解。堪任發阿耨多羅三藐三菩提心。我等為父已作佛事。願母見聽。於彼佛所出家修道。爾時二子欲

重宣其意。以偈白母。願母放我等。出家作沙門。諸佛甚難值。我等隨佛學。如優曇鉢華。值佛復難是。脫諸難亦難。願聽我出家。母即告言。聽汝出家。所以者何。佛難值故。

父王已信。宮中八萬四千。又熟。故白母稱慶。願求出家。而母亦聽之也。

⑤ 三重催見佛

於是二子白父母言。善哉父母。願時往詣雲雷音宿土華智佛所親近供養。所以者何。佛難得值。如優曇

鉢羅華。又如一眼之龜。值浮木孔。而我等宿福深厚。生值佛法。是故父母當聽我等。得出家。所以者何。諸佛難值。時亦難遇。

一眼龜者。約事祇是譬難值耳。若約表法。凡龜魚之眼。兩向看之。既云一眼。則所見非正。在生死海。而又邪見。何能值于佛法。浮木實諦之孔。

⑤四敘歎功德

彼時妙莊嚴王。後宮八萬四千人。皆悉堪任受持。是法華經。淨眼菩薩於法華三昧久已通達。淨藏菩薩

已於無量百千萬億劫。通達離諸惡趣三昧。欲令一切衆生離諸惡趣。故其王夫人得諸佛集三昧。能知諸佛秘密之藏。二子如是以方便力。善化其父。令心信解。好樂佛法。

法華三昧者。攝一切法歸一實相。如前說。離諸惡趣三昧者。九界三惑。以爲能趣。二種生死。以爲所趣。圓道正定。乃能離之。卽二十五王三昧。圓破二十五有也。佛集三昧者。三德秘密之藏。佛集其中。唯佛行處也。

法華會義卷十六  
四十一  
⑤五俱詣佛所聞法供養見瑞歡喜

於是妙莊嚴王與羣臣眷屬俱淨德夫人與後宮采女眷屬俱其王二子與四萬二千人俱一時共詣佛所到已頭面禮足繞佛三匝卻在一面爾時彼佛爲王說法示教利喜王大歡悅爾時妙莊嚴王及其夫人解頸真珠瓔珞價直百千以散佛上於虛空中化成四柱寶臺臺中有大寶牀數百千萬天衣其上有一佛結加趺坐放大光明爾時妙莊嚴王作是念佛身希有端嚴殊特成就第一微妙之色

成就第一微妙之色猶龍女所讚微妙淨法身具相三十二也已悟色之實相故佛旋與授記

⑥六佛授王記

時雲雷音宿王華智佛告四衆言汝等見是妙莊嚴王於我前合掌立不此王於我法中作比丘精勤修習助佛道法當得作佛號娑羅樹王國名大光劫名大高王其娑羅樹王佛有無量菩薩衆及無量聲聞其國平正功德如是

⑦七出家修行

其王卽時以國付弟。與夫人二子并諸眷屬。於佛法中出家修道。王出家已。於八萬四千歲。常勤精進。修行妙法華經。過是已。後得一切淨功德。莊嚴三昧。

⑤八稱歎二子

卽升虛空高七多羅樹。而白佛言。世尊。此我二子。已作佛事。以神通變化。轉我邪心。令得安住於佛法中。得見世尊。此二子者。是我善知識。爲欲發起宿世善根。饒益我故。來生我家。

⑥九佛述行高

爾時雲雷音宿王華智佛。告妙莊嚴王言。如是如是。如汝所言。若善男子善女人。種善根。故世世得善知識。其善知識能作佛事。示教利喜。令入阿耨多羅三藐三菩提。大王當知。善知識者。是大因緣。所以化導。令得見佛。發阿耨多羅三藐三菩提心。大王。汝見此二子不。此二子已曾供養六十五百千萬億那由他。恒河沙諸佛。親近恭敬。於諸佛所受持法華經。愍念邪見衆生。令住正見。

善知識有三。一外護。二同行。三教授也。又有三。一

諸佛菩薩。二道品六度。三實際實相。六種知識。皆能作于佛事。教授及佛菩薩二種。則能示教利喜。教授同行及諸菩薩三種。則能化導令得見佛。實相實際。則能令人菩提。此六並有全力。並不可缺。故云是大因緣。

⑤十讚佛自誓

妙莊嚴王。卽從虛空中下。而白佛言。世尊。如來甚希有。以功德智慧故。頂上肉髻。光明顯照。其眼長廣。而紺青色。眉間毫相。白如珂月。齒白齊密。常有光明。唇

色赤好。如頻婆果。爾時妙莊嚴王。讚歎佛如是等無量百千萬億功德已。於如來前一心合掌。復白佛言。世尊。未曾有也。如來之法。具足成就。不可思議微妙功德。教戒所行。安隱快善。我從今日。不復自隨心行。不生邪見。憍慢瞋恚諸惡之心。說是語已。禮佛而出。深達實相。故外欽佛德。內革已心。如悟冰水同一濕性。以湯消冰。永不凝結也。四明所化得益竟。

⑥五結會古今

佛告大衆。於意云何。妙莊嚴王。豈異人乎。今華德菩

法華會義十六  
四十四  
薩是其淨德夫人。今佛前時光照東方莊嚴相菩  
薩是。哀愍妙莊嚴王及諸眷屬故。於彼光明莊中生  
其二子者。今藥王菩薩藥上菩薩是。是藥王藥上菩  
薩。成就如此諸女功德。已於無量百千萬億諸佛所  
植衆德本。成就不可思議諸善功德。若有人識是二  
菩薩名字者。一切世間諸天人民亦應禮拜。

丁六聞品悟道

佛說是妙莊嚴王本事品時。八萬四千人。遠塵離垢。  
於諸法中得法眼淨。

於諸法中得法眼淨。卽徧照三千相性假實諸法。  
通達無滯無染著也。或是分證或是相似後心。二  
約化他勸流通竟。

乙三約自行勸流通

普賢菩薩勸發品第二十八

梵音邨輸颯陀。大論觀經皆譯徧吉。此經譯爲普  
賢。普卽徧義。賢卽吉義。等覺居衆伏之頂。伏道周  
徧。故名爲普。斷道將盡所較無幾。鄰終際極。故名  
爲賢。如十四夜月。鄰似十五夜月也。大佛頂經云。

法華會義十六  
四三  
我用心聞。分別衆生所有知見。若於他方恒沙界外。有一衆生心中發明普賢行者。我乘六牙象。分身百千皆至其處。縱彼障深。未得見我。我與其人暗中摩頂。擁護安慰。令其成就。今言勸發者。戀法之辭。遙在彼國。具聞此經始末。既周。欲令自行化他。永永無已。故自東而來。更請正說。勸發自行。更請流通。勸發化他。復以誓願而總勸發。文具四悉檀意。我爲供養法華經故。自現其身。若見我身。甚大歡喜。世界悉也。以見我故。轉復精進。卽得三昧。

及陀羅尼爲人悉也。無有非人能破壞者。亦復不爲女人惑亂。對治悉也。刹塵菩薩具普賢道。第一義悉也。以此四悉檀因緣故來勸發。上判流通文爲三。神力囑累二品。正明付囑流通。藥王下五品。舉菩薩化道力大以勸流通。今此一品。舉普賢誓願力大以勸流通也。文分爲四。初發來。二勸發。三述發。四發益。

丙初發來。三初上供。二下化。三修敬。丁今初

爾時普賢菩薩。以自在神通力。威德名聞。與大菩薩

法華會義十六  
四六  
無量無邊不可稱數。從東方來。所經諸國。普皆震動。雨寶蓮華。作無量百千萬億種種伎樂。

自在是理一。神通是行一。威德是人一。名聞是教一。又自在是常。神通是樂。威德是我。名聞是淨。言說如此。卽一而四。德無不備。由威德故震動。名聞故雨華。神通故作樂。自在故隨動。隨雨隨作。譬如大龍飛行。雲雨流起。此是心力。法力。衆生力。應化力。不思議力所致。以此四德妙力。遠來勸發四一。所經歷處自行上供。其事如此。問華嚴明普賢菩薩。

依真而住。非國土。今何故云從東方來。答。彼經顯示所證自體。此經且據應迹所從。夫真如法性。初住已能分證。何況普賢應迹所從。多寶亦云東方。又何况普賢。若知真性之外無國土。則知國土之外亦非別有真可住矣。

丁二下化

又與無數諸天龍夜叉乾闥婆阿修羅迦樓羅緊那羅摩睺羅伽人非人等大衆圍繞。各現威德神通之力。

隨他所宜現八部像。王伴並具四德舉二攝二。故云各現威德神通之力。當知所隨皆法身也。又與大菩薩是示現實功德。與諸八部是示現權功德。權實並具四德。並有上供下化二意。

①三修敬

到娑婆世界耆闍崛山中。頭面禮釋迦牟尼佛。右遶七帀。

初發來竟

②勸發二初請問勸發。二誓願勸發。

③初中

二初問。二答。

④今初

白佛言。世尊。我於寶威德上王佛國。遙聞此娑婆世界說法華經。與無量無邊百千萬億諸菩薩眾。共來聽受。惟願世尊當為說之。若善男子善女人。於如來滅後。云何能得是法華經。

當為說之。更請正說流通之要旨也。云何能得是經。謂得正說流通之妙解也。請正說是勸發自行。請流通是勸發化他。欲令妙法光流無極。乃戀法無已之極思也。

戊三答

佛告普賢菩薩。若善男子善女人。成就四法。於如來滅後。當得是法華經。一者為諸佛護念。二者植眾德本。三者入正定聚。四者發救一切眾生之心。善男子善女人如是成就四法。於如來滅後。必得是經。

普賢菩薩既雙請正說流通。今佛亦以四法而雙答之。先答正說者。開權顯實也。佛于眾生。雖復大慈平等普度。而諸眾生迷背法性。如覆盆之下。自隔日光。若能遠惡世從善為返迷對歸悟第一開

眾生知見顯佛知見者。則稱可聖心。是為諸佛護念。法若佛知見開。則般若照明。是為植眾德本。亦即不亂不味。不取不捨。是為人正定聚。脫亦即上合慈力。下同悲仰。是為發救眾生之心。解當知四法。祇是開權顯實。證圓三德也。又諸佛護念。是開佛知見。植眾德本。是示佛知見。入正定聚。是入佛知見。發救生心。是悟佛知見。迹門之要。此四收矣。又迹則有本。從本三德。故有迹中三德。從本開示。悟入。故有迹中開示悟入。今開迹即顯本。本迹無

法華會集卷一  
四六

二無別。故以四法答其請。正說也。次答流通者。流通之要。唯三唯四。今諸佛護念入正定聚。卽著如來衣。植衆德本。卽坐如來座。發救生心。卽入如來室。又諸佛護念。卽身安樂行。植衆德本。卽口安樂行。入正定聚。卽意安樂行。發救生心。卽誓願安樂行。故以四法答其請。流通也。一答酬其兩請。舉四冠罩一經。遠來勸發其義如此。能行四法。必解經體。故云必得是經。此結成正說之請也。能運此解傳與他人。他人得此信解。成初依人。若得真解。成

第二第三第四依人。此結成流通之請也。初請問勸發竟。

丁二誓願勸發二。初誓願護人。二誓願護法。

戊

初中六。初攘其外難。二教以內法。三覆以神力。

四示勝因。五示近果。六總結勸。

巳今初

爾時普賢菩薩白佛言。世尊。於後五百歲濁惡世中。其有受持是經典者。我當守護。除其衰患。令得安隱。使無伺求得其便者。若魔。若魔子。若魔女。若魔民。若爲魔所著者。若夜叉。若羅刹。若鳩槃荼。若毘舍闍。若

法華會集卷十六  
吉蔗若富單那。若韋陀羅等諸惱人者。皆不得便。  
韋陀羅。手厭禱鬼也。此翻善妙。

其④二教以內法又三。初行立讀誦。二若坐思惟。三

爾。三七精進。庚今初

是人若行若立讀誦此經。我爾時乘六牙白象王。與  
大菩薩衆俱詣其所。而自現身供養守護。安慰其心。  
亦爲供養法華經故。

庚二若坐思惟

是人若坐思惟此經。爾時我復乘白象王。現其人前。

其人若於法華經有所忘失一句一偈。我當教之。與  
共讀誦。還令通利。爾時受持讀誦法華經者。得見我  
身。甚大歡喜。轉復精進。以見我故。卽得三昧及陀羅  
尼。名爲旋陀羅尼。百千萬億旋陀羅尼。法音方便陀  
羅尼。得如是等陀羅尼。  
旋者。旋假入空也。百千萬億者。旋空入假也。法音  
方便者。二爲方便。得入中道第一義也。

庚三三七精進

世尊。若後世後五百歲濁惡世中。比丘比丘尼優婆

法華會義十一  
塞優婆夷。求索者受持者。讀誦者書寫者。欲修習是法華經。於三七日中。應一心精進。滿三七日。已我當乘六牙白象。與無量菩薩。而自圍繞。以一切衆生所喜見身。現其人前。而爲說法。示教利喜。亦復與其陀羅尼呪。得是陀羅尼故。無有非人能破壞者。亦不爲女人之所惑亂。我身亦自常護是人。惟願世尊聽我。說此陀羅尼呪。卽於佛前而說呪曰。一檀陀婆地。二檀陀婆帝。三檀陀鳩舍隸。四檀陀修陀隸。五修陀隸。六修陀羅婆底。七佛陀波羶。

彌八 薩婆陀羅尼阿婆多尼 九 薩婆婆沙阿婆多尼

十 修阿婆多尼 十一 僧伽婆履叉尼 十二 僧伽涅伽陀尼

十三 阿僧祇 十四 僧伽婆伽地 十五 帝隸阿惰僧伽兜略 十六 遮

切 阿羅帝波羅帝 十七 薩婆僧伽地 十八 摩地伽蘭地 十九 七

薩婆達磨修波利刹帝 二十 薩婆薩埵樓駄僑舍略阿

毘伽地 二十一 辛阿毗吉利地 二十二 帝

二 教以內法竟

三 覆以神力

世尊。若有菩薩得聞是陀羅尼者。當知普賢神通之

力。若法華經行間。淨提有受持者。應作此念。皆是普賢威神之力。

巳四示勝因

若有受持讀誦正憶念解其義趣。如說修行。當知是人行普賢行。於無量無邊諸佛所。深種善根。為諸如來手摩其頭。行普賢行。同未來佛得脫也。深種善根。於過去佛得種也。手摩其頭。為現在佛所熟也。

巳五示近果

若但書寫。是人命終。當生忉利天上。是時八萬四千天女。作眾伎樂而來迎之。其人即著七寶冠。於采女中娛樂快樂。何況受持讀誦正憶念解其義趣。如說修行。若有人受持讀誦解其義趣。是人命終。為千佛授手。令不恐怖。不墮惡趣。即往兜率天上。彌勒菩薩所。彌勒菩薩有三十二相。大菩薩眾所共圍繞。有百千萬億天女眷屬。而於中生。有如是等功德利益。但能書寫近生忉利。具五法師。能生兜率。得為補處眷屬也。問。何不生安樂土耶。答。若發淨願。則隨

其觀行淺深。生四種安樂土。不發淨願。則隨其五  
品功成。生兜率也。

④六總結勸

是故智者。應當一心自書。若使人書。受持讀誦。正憶  
念。如說修行。

初發願護人竟

⑤二誓願護法

世尊。我今以神通力。故守護是經。於如來滅後。閻浮  
提內。廣令流布。使不斷絕。

二勸發竟

③三述發二。初先述護法。二述護人。④今初

爾時釋迦牟尼佛讚言。善哉善哉。普賢。汝能護助是  
經。令多所衆生安樂利益。汝已成就不可思議功德。  
深大慈悲。從久遠來。發阿耨多羅三藐三菩提意。而  
能作是神通之願。守護是經。我當以神通力。守護能  
受持普賢菩薩名者。

聞法華經受持法華。皆是普賢神力。聞普賢名。受  
持普賢名字。皆是如來神力。卽兼述護人中第三

覆以神力也

丁二述護人五。初述第二教以內法。二述第四示勝因。三述第五示近果。四述第一攘外難。五述總結勸。戊今初。普賢若有受持讀誦正憶念修習書寫是法華經者。當知是人。則見釋迦牟尼佛。如從佛口聞此經典。當知是人。供養釋迦牟尼佛。當知是人。佛讚善哉。當知是人。爲釋迦牟尼佛手摩其頭。當知是人。爲釋迦牟尼佛衣之所覆。

見釋迦佛。不但見六牙白象普賢身也。從佛口聞不但普賢共讀誦也。佛讚善哉手摩衣覆。不但普賢呪護也。讚善是空座行成。手摩是慈室行成。衣覆是忍衣行成。

戊二述第四示勝因

如是之人。不復貪著世樂。不好外道經書手筆。亦復不喜親近其人及諸惡者。若屠兒。若畜猪羊雞狗。若獵師。若銜賣女色。是人心意質直。有正憶念。有福德力。是人。不爲三毒所惱。亦不爲嫉妬我慢邪慢增上。

慢所惱。是人少欲知足。能修普賢之行。

⑤三述第五示近果

普賢。若如來滅後。後五百歲。若有人見受持讀誦法  
華經者。應作是念。此人不久當詣道場。破諸魔衆。得  
阿耨多羅三藐三菩提。轉法輪。擊法鼓。吹法螺。雨法  
雨。當坐天人大衆中師子法座上。普賢。若於後世受  
持讀誦是經典者。是人。不復貪著衣服。卧具。飲食。資  
生之物。所願不虛。亦於現世得其福報。當詣道場。必成遠果。何止切利兜率之近果耶。雖

不貪著四事。亦於現世得其福報。何止命終方生

天耶

⑤四述第一攘外難

若有人輕毀之言。汝狂人耳。空作是行。終無所獲。如  
是罪報。當世無眼。若有供養讚歎之者。當於今世  
得現果報。若復見受持是經者。出其過惡。若實若不  
實。此人現世得白癩病。若輕笑之者。當世世牙齒疎  
缺。醜唇平鼻。手脚繚戾。眼目角眦。身體臭穢。惡瘡膿  
血。水腹短氣。諸惡重病。

法華會義十六  
佛廣示毀者之罪。令知過必改。不相惱亂。非但持經者難滅。亦乃欲毀者福生。無毀無難。彼此安樂。曠濟無偏。慈之至也。

⑤五述總結勸

是故普賢若見受持是經典者。當起遠迎。當如敬佛。三述發竟。

⑥四發益二初聞品益。二聞經益。⑦今初

說是普賢勸發品時。恒河沙等無量無邊菩薩。得百千萬億旋陀羅尼。三千大千世界微塵等諸菩薩。具

普賢道

百千萬億旋陀羅尼。祇是法界差別智耳。具普賢道。是滿足十地。鄰極至聖也。

⑧二聞經益

佛說是經時。普賢等諸菩薩。舍利弗等諸聲聞。及諸天龍人非人等。一切大會。皆大歡喜。受持佛語。作禮而去。

三事歡喜如前說。此中云何猶稱聲聞。乃經家存其本位耳。又經家稱其為大乘聲聞。以佛道聲令

一切聞也

妙法蓮華經台宗會義卷七之二

跋語

嗚呼。圓頓妙法。曠劫難逢。繫我愚蒙。何緣幸邁。每一披閱。恍若夙聞。豈非普賢威神之力。釋迦守護之功耶。智者大師。不可復作。後賢堅執。闕諍滋生。圓融絕待法門。幾成彼此是非情見。弘之者城漸益高。益深望之者疑畏日新。日盛耳聞目擊。扼腕痛心。不揣疎庸。聊爲介紹。舉筆于己丑之十一月



初五日。甫成一序。病卧半月。至十九日。方得勉強從事。旦夕孳孳。手不停書。日不停閱。臘月二十六日。僅完三卷經文。計得會義八卷。歇節三日。庚寅元旦。隨卽試筆。又歷一月。方得告成。共計會義一十六卷。足運心力六十八日。嗟嗟。曾聞古人一炷香中。卽能朗誦華嚴一部。而旭也根鈍。矻矻乃爾。亦可嗤矣。然以此誘接初學。令得漸悟法華實相。不終按劍。亦不望洋。則釋迦普賢及與智者皆必鑒旭苦心也夫。庚寅仲春朔日。己刻閣筆故跋。

天台後學乞士妙蓮同諸上座敬募重刊

大清光緒拾五年歲次己丑仲冬月重刻

浙思古齋刻字

十六卷... 法華會集... 卷之二... 天台後學... 乞士妙蓮... 同諸上座... 敬募重刊... 大清光緒... 拾五年... 歲次己丑... 仲冬月... 重刻... 浙思古齋... 刻字



L42 23358  
23358

